

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ՀԱՄԱՆՄԱՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Համանման բողոքի ծածկագիրը և ամսաթիվը՝ ԳԲԲԱ-ԼՕ-2019/68, 26.09.2019թ.

Բողոք բերող անձ՝ «Ֆոր Սթեյջ» ՍՊԸ

Պատվիրատու՝ «Կ. Դեմիրճյանի անվան ՄՀՀ» ՊՈԱԿ

Գնման ընթացակարգի ծածկագիրը՝ «ԿԴՄՀՀ-ԳՀԱՊՁԲ-19/20» գնանշման հարցում

Գնման առարկան՝ Ձայնային սարքավորումների ձեռքբերում

Բողոքի պահանջը՝

1. Արգելել Պատվիրատուին թիվ «ԿԴՄՀՀ-ԳՀԱՊՁԲ-19/20» ծածկագրով «Ձայնային սարքավորումների» գնանշման հարցման գնման գործընթացում ընտրված մասնակցի հետ կնքել պայմանագիր,
2. Օրենքին հակասող և չեղյալ հայտարարել թիվ «ԿԴՄՀՀ-ԳՀԱՊՁԲ-19/20» ծածկագրով «Ձայնային սարքավորումների» գնանշման հարցման ընթացակարգը,
3. Պարտավորեցնել Պատվիրատուին իրականացնել օրենքի պահանջներին համապատասխան (բաց մրցույթի ձևով) գնման նոր գործընթաց:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

26.09.2019

Գնումների հետ կապված բողոքներ քննող անձին
(հասցե՝ ք. Երևան, Մելիք-Աղամյան փող. 1)

«ՖՈՐ ՍԹԵՅՁ» ՍՊԸ-ի
տնօրեն Տիգրան Արշակյանից
(ծանուցման հասցե՝ 0039, ք. Երևան, Ս. Տարոնցու նրբ., 11 շ., 11 բն,
նույն. քարտ՝ 002203990, տրված 09.06.2015 թ., 003-ի կողմից)

1. 20.09.2019 թվականին «Էլեկտրոգրուպ» ՍՊԸ-ն ԿԴՄՀՀ-ԳՀԱՊՁԲ 19/20 ծածկագրով գնման (այսուհետ՝ նաև գնանշման հարցում) ընթացակարգի վերաբերյալ բողոք է ներկայացրել ՀՀ գնումների հետ կապված բողոքներ քննող անձին:

2. 25.09.2019 թվականին հրապարակվել է գնումների հետ կապված բողոքներ քննող անձի հայտարարությունը (այսուհետ՝ նաև Հայտարարություն) գնանշման հարցման ընթացակարգի վերաբերյալ ԳԲՔԱ-ԼՕ-2019/68 ծածկագրով բողոքի (այսուհետ՝ նաև Բողոք) ներկայացման մասին:

3. «Գնումների մասին» ՀՀ օրենքի 50-րդ հոդվածի 10-րդ մասի համաձայն՝ «Յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք»:

4. Հիմք ընդունելով վերոգրյալը՝ սույն գրությամբ միանում ենք «Էլեկտրոգրուպ» ՍՊԸ-ի կողմից ներկայացված Բողոքին և կից ներկայացնում՝

- բողոքը,
- բողոք բերող անձի պետական գրանցման վկայականի պատճենը,
- բողոք բերող անձի տնօրենի անձնագրի պատճենը,
- բողոք բերող անձի կանոնադրության պատճենը,
- բողոքարկման վճարը կատարած շինելը հավաստող բանկային հանձնարարագրի փոփոխակը,

«ՖՈՐ ՍԹԵՅՁ» ՍՊԸ-ի
տնօրեն Տիգրան Արշակյան



ՄԵՆԱԾՈՒԹՅՈՒՆ

Ն-43317-19

26.09.19

26.09.2019

Գնումների հետ կապված բողոքներ քննող անձին
(հասցե՝ ք. Երևան, Մելիք-Աղամյան փող. 1)

Բողոք բերող անձ՝ «ՖՈՐ ՍԹԵՑՁ» ՍՊԸ-ի
(գրանցման համար՝ 290.110.973307, ՀՎՀՀ՝ 02270668,
հասցե՝ 0039, ք. Երևան, Ս. Տարունցի նրբ., շ. 11, բն. 11,
Հաշվեհամար՝ 220410124410000)

Տնօրեն՝ Տիգրան Արշակյանից
(ծանուցման հասցե՝ 0039, ք. Երևան, Ս. Տարունցու նրբ., 11 շ., 11 բն.
նույն քարտ՝ 002203990, տրված 09.06.2015 թ., 003-ի կողմից)

Պատվիրատու՝ «Կ. Դեմիրճյանի անվան ՄՀՀ» ՊՈԱԿ
(հասցե՝ ք. Երևան, Ծիծեռնակաբերդի զբոսայգի 1)

ԲՈՂՈՔ

(ԿԴՄՀՀ-ԳՀԱՊՁԲ-19/20 ծածկագրով «Ձայնային սարքավորումների» գնանշման
հարցման հրավերի վերաբերյալ)

13.08.2019 թվականին «Կ. Դեմիրճյանի անվան մարզահամերգային համալիր» ՊՈԱԿ-ը (այսուհետ՝ նաև Պատվիրատու) հայտարարել է «Ձայնային սարքավորումների» ձեռքբերման նպատակով գնանշման հարցում (այսուհետ՝ նաև Հարցում), որի արդյունքում ընտրված մասնակցին պետք է առաջարկվեր կնքել ձայնային սարքավորումների մատակարարման պայմանագիր:

Գնումների մասին ՀՀ օրենքի սահմանափակումները, ընթացակարգերը շրջանցելու և արագացված կարգով գնում իրականացնելու նպատակով, Պատվիրատուն գնման առարկան արհեստականորեն խմբավորել է 4 չափաբաժիններում՝ մրցույթի փոխարեն սահմանելով գնանշման հարցում, ինչը Գնումների մասին ՀՀ օրենքի դրույթների ակնհայտ խախտում է:

Սույնով ներկայացնում ենք Կ. Դեմիրճյանի անվան մարզահամերգային համալիր» ՊՈԱԿ-ի կողմից հայտարարված թիվ ԿԴՄՀՀ-ԳՀԱՊՁԲ-19/20 ծածկագրով «Ձայնային սարքավորումների» գնման գործընթացի վերաբերյալ սույն բողոքը՝ հետևյալ հիմնավորմամբ:

Բողոքի իրավական և փաստական հիմքերը

07.08.2019 թվականին գնումների պաշտոնական տեղեկագրում հրապարակվել է Պատվիրատուի կողմից հաստատված Գնումների Պլանը (այսուհետ՝ նաև Պլան), որում ներկայացված ապրանքների ձեռքբերումը նախատեսվում էր իրականացվել *բաց մրցույթի* ձևով: Սակայն հետագայում Պատվիրատուն «անհասկանալի» և օրենքից չբխող պատճառներով որոշել է շրջանցել բաց մրցույթի ընթացակարգը և կրճատել գնման գործընթացի ժամկետը: 16.08.2019 թվականին փոփոխություններով հրապարակված

պլանում, որպես ապրանքների ձեռքբերման եղանակ նշվել է **գնանշման հարցումը**։ Ընդ որում՝ անհասկանալի տրամաբանությամբ 07.08.2019 թ. գնումների պլանում նշված ոչ բոլոր ապրանքների գնումն է բաց մրցույթից դարձել գնանշման հարցման ընթացակարգով։

«Գնումների մասին» 22 օրենքի (այսուհետ՝ նաև Օրենք) 18-րդ հոդվածի 1-ին մասի համաձայն՝

« Գնում կատարելու ընթացակարգերն են՝

1) էլեկտրոնային աճուրդը.

2) մրցույթը.

3) գնանշման հարցումը.

4) մեկ անձից գնումը։»

Ընդ որում՝ Պատվիրատուն իրավասու է օրենքում նախատեսված ընթացակարգերից յուրաքանչյուրը ընտրել բացառապես օրենքում նշված հիմքերի առկայության դեպքում։

Օրենքի 22-րդ հոդվածի 1-ին մասի համաձայն՝

«Գնումը կարող է կատարվել գնանշման հարցման ձևով, եթե գնման գինը չի գերազանցում գնումների բազային միավորի յոթանասունապատիկը...»:

Օրենսդրի պահանջը պահպանելու և ապրանքները բաց մրցույթի փոխարեն գնանշման հարցման եղանակով ձեռք բերելու նպատակով՝ Պատվիրատուն, արհեստականորեն, **նույն բնութագրեր ունեցող գնումները** բաժանել է թիվ 1 և թիվ 2 չափաբաժինների՝ որոնց գնային առաջակների գումարը (չափաբաժին 1+ չափաբաժին 2) գերազանցել է գնումների բազային միավորի յոթանասունապատիկը։ Արդյունքում Պատվիրատուն խախտել է նաև Օրենքի 25-րդ հոդվածի 1-ին մասի դրույթները, որի համաձայն՝

«Մրցակցային գնման ձևերի կիրառման ժամանակ առանձին բնութագրեր ունեցող գնումները մեկ գնման գործընթացի շրջանակներում կարող են բաժանվել չափաբաժինների: Արգելվում է՝

1) մեկ գնման առարկան բաժանել առանձին չափաբաժինների՝ մրցակցային գնման ձևի կիրառումից խուսափելու նպատակով...»:

Պատվիրատուի իրական նպատակը եղել է ընդհանուր թվով 24 հատ ձայնային սարքավորում ձեռք բերելը, ինչը նշված է նաև Գնման պլանում։

Պատվիրատուն թիվ 1 և 2 չափաբաժիններում առանձնացրել է ամբողջությամբ համընկնող բնութագրեր ունեցող ապրանքներ, ինչպես նաև անփութությամբ թիվ 2 չափաբաժնի «տեխնիկական բնութագիրը» հատվածում թողել է նախապես որոշված խմբաբանակի մասին մրցույթի համար գրված տեխնիկական բնութագիրը՝ **«Նվազագույն 24 (12 L, 12R)»:** Ակնհայտ է, որ Գնման պլանում նշված 24 հատ ձայնային սարքավորումը բաղկացած է 12 աջ և 12 ձախ բարձրախոսներից, վերջիններս մալուխներից, ուժեղացուցիչներից և փոխադրելու սալակներից։

Գնանշման հարցման թիվ 1 չափաբաժնում ընդգրկված է **«Բարձրախոս գծային գանգված տեսակի 22 հատ»**, թիվ 2 չափաբաժնում ընդգրկված է **«Բարձրախոս գծային գանգված տեսակի - 2 հատ, նվազագույնը 24 (12L, 12R)»** ընդ որում, թե 1 և 2 չափաբաժիններում ընդգրկված բարձրախոսների տեխնիկական բնութագրերը նույնական են, դրանք իրարից ոչնչով չեն տարբերվում, նախատեսված են միասին

որպես մեկ ամբողջական համալիր օգտագործելու համար և բացառապես միասին կարող են օգտագործվել ըստ նշանակության:

Պատվիրատուն փորձել է տպավորություն ստեղծել, որ 1-ին և 2-րդ չափաբաժիններում նշված բարձրախոսները տարբեր են, սակայն նույնական լինելու փաստը ակնհայտ է:

2-րդ չափաբաժնում նշված փոխադրելու դետալները՝ սայլակները, 1-ին չափաբաժնում առհասարակ նշված չեն, այլ նշվել են առանձին՝ որպես 3-րդ չափաբաժին: Իրականում սովորաբար յուրաքանչյուր 4 բարձրախոսի համար նախատեսված է 1 սայլակ և անտրամաբանական է, որ 2-րդ չափաբաժնում ներառված 2 բարձրախոսի համար պետք է տրամադրվի սայլակ, իսկ 1-ին չափաբաժնի համար որևէ սայլակ պետք չէ տրամադրվի, բայց իրականում 1-ին չափաբաժնում ընդգրկված բարձրախոսների համար 3-րդ չափաբաժնով պետք է սայլակ տրամադրվի, ընդ որում 3-րդ չափաբաժնում էլ դրանց թիվը միտումնավոր նշված չէ:

Արդյունքում խախտվել է նաև Օրենքի 6-րդ հոդվածի 4-րդ մասի դրույթը, որի համաձայն՝

«Չեն կարող սահմանվել մասնակցի՝ գնումներին մասնակցելու իրավունքի և որակավորման հետ կապված այնպիսի չափանիշներ, որոնք՝

2) խտրական են և սահմանափակում են մրցակցությունը՝ անհիմն կերպով բարդացնում կամ պարզեցնում են հնարավոր մասնակցությունը գնման գործընթացին...»:

Օրենքի 22-րդ հոդվածի 3-րդ մասի համաձայն՝

«Գնանշման հարցման ընթացակարգի կիրառման դեպքում հայտերի ներկայացման համար նախատեսվող ժամկետն առնվազն չորս աշխատանքային օր է...»

Օրենքի 20-րդ հոդվածի համաձայն՝

«Բաց մրցույթի դեպքում հայտերի ներկայացման համար նախատեսվող ժամկետը հաշվարկվում է գնումների հայտարարությունը և իրավերը տեղեկագրում հրապարակելու օրվանից:

2. Բացառությամբ սույն օրենքի 2-րդ հոդվածի 1-ին մասի 1-ին կետի «դ» և «ե» ենթակետերում նշված պատվիրատուների, հայտերի ներկայացման ժամկետը առնվազն քառասուն օրացուցային օր է:»

Նկատի ունենալով բաց մրցույթի և գնանշման հարցման ընթացակարգերի միջև եղած տարբերությունները՝ օրենսդիրը յուրաքանչյուրի համար համոտյոտօտօխանաբար նախատեսել է հայտերի ներկայացման առնվազն քառասնօրյա և չորսօրյա ժամկետներ: Տվյալ կարգավորման տրամաբանությունը կայանում է նրանում, որ հաշվի առնելով բաց մրցույթի առավել մասշտաբային լինելը, բոլոր մասնակիցներին տրամադրվի ողջամիտ ժամկետ վերջինիս պատշաճ պատրաստվելու և խելամիտ առաջարկ ներկայացնելու համար: Տվյալ պարագայում, Պատվիրատուն, գնման առարկաները արհեստականորեն թիվ 1 և թիվ 2 չափաբաժիններում դասակարգելու միջոցով,

սահմանափակել է արդար մրցակցության սկզբունքը՝ անհիմն կերպով բարդացնելով անձանց հնարավոր մասնակցությունը գնման գործընթացին:

Պահանջ

Հիմք ընդունելով վերոգրյալը՝

խնդրում ենք

1. արգելել Պատվիրատուին թիվ ԿԴՄՀՀ-ԳՀԱՊՁԲ-19/20 ծածկագրով «Չայնային սարքավորումների» գնանշման հարցման գնման գործընթացում ընտրված մասնակցի հետ կնքել պայմանագիր,
2. օրենքին հակասող և չեղյալ հայտարարել թիվ ԿԴՄՀՀ-ԳՀԱՊՁԲ-19/20 ծածկագրով «Չայնային սարքավորումների» գնանշման հարցման ընթացակարգը,
3. պարտավորեցնել Պատվիրատուին իրականացնել օրենքի պահանջներին համապատասխան (բաց մրցույթի ձևով) գնման նոր գործընթաց:

«ՖՈՐ ՄԹԵՑՁ» ՍՊԸ –ի
տնօրեն Տիգրան Արշակյան



